



იმისთანა წმინდა საძმომი, ბოგბილ ბუქ-
უძი სიფყავა, ცუდილებით და ჭებობით ბუბ-
თის გაფანა ყუელა უკადრისებაჲ უსაბაგლესია.

გაგონდის 1918 წლის
25 ივლისიდან

რესპუბლიკა

შაბათი-კვირა, 30 ნოემბერი - 1 დეკემბერი. 2019 წ. №237 (8903)

ელ.ფოსტა: sakresp@mail.ru და sakresp@top.ge

ფასი 60 თათრი



გიორგი მაგასაუვილი:

ამათჷა ახლა მართლა აღალია სააკაუვილი, ახალია და მერაბიუვილი!



ირაკლი ლატარია: ლევან ბერძენიუვილი, უახლოეს ნარსულუი მიუას მხდალს და ლაჩარს არ ეძახდი?



ევროკავშირის ელჩი: დროა, მხარეებმა ერთმანეთჷა კი არა, ერთმანეთთან ილაპარაკონ

„ვფიძრობთ, რომ დროა, მხარეებმა ერთმანეთჷე ნაკლებად ისაუბრონ და ერთმანეთთან საუბარი დაიწყონ“, – საქართველოში ევროკავშირის ელჩმა კარლ შარტელმა მედიასთან ხელისუფლებისა და ოპოზიციის წარმომადგენლებს შორის დღეისთვის დაანონსებულ შეხვედრაზე კომენტარი გაკეთა. შარტელი ამბობს, რომ ბედნიერია, რადგან 30 ნოემბერს დიალოგი გაიმართება.

„ჩვენი აზრით, ეს აუცილებელია და მხარს ვუჭერთ ამ ფორმატს. ჩვენ დეტალებს ვაზუსტებთ, თუმცა, რო-

გორც ცნობილია, ე.წ. გერმანული მოდელის განხილვა იქნება დღის წესრიგში, თუმცა ალბათ, ზოგადად პოლიტიკური სიტუაციის უფრო ფართოდ განხილვა მოხდება. მოლაპარაკებებში საერთაშორისო თანამეგობრობაც ჩაერთვება. ქუჩის პროტესტებთან დაკავშირებით, ჩვენ ჩვენი პოზიცია უკვე გავაზიარებთ. ჩვენ სრულად ვუჭერთ მხარს დემონსტრანტების უფლებებს, გამოსაბრუნებელი სიტყვის თავისუფლებას. ჩვენ ვფიქრობთ, რომ აზრის გამოხატულება უნდა იყოს მოქცეული კანონის ფარგლებში. ეს არის ჩვენი პრინციპული პოზიცია.“

ნინო ბურჯანაძე დიალოგის მომხრეა, მაგრამ...

მე დიალოგის მომხრე ვარ, მაგრამ დიალოგი არ უნდა შედგეს მხოლოდ დიალოგისთვის, მნიშვნელოვანია, იყოს ხელისუფლების მზობა, კონკრეტული საკითხები განვიხილოთ, – ამის შესახებ „ერთიანი საქართველო – დემოკრატიული მოძრაობის“ თავმჯდომარემ ნინო ბურჯანაძემ განაცხადა ოპოზიციისა და ხელისუფლების წარმომადგენლების დღეისთვის დაკავშირებით. ამასთან, მისი თქმით, თუ ხელისუფლების წარმომადგენლები განაგრძობენ საუბარს, რომ ოპოზიციას შეხვედრაზე დიპლომატიების სათრით ინვევენ და „გერმანული მოდელი“ ანტიკონსტიტუციურია, პროცესი ჩაიშლება.



– დარწმუნებული ვარ, ყველა დაუჭერს მხარს დიალოგს. ხელისუფლების წარმომადგენლები, კობახიძე და წულუკიანი თუ გააგრძელებენ იმ განცხადებების გაკეთებას, რომ იქ გვეპატიუებიან ელჩების სათრით, მაგრამ იმისთვის, დაგვარიგონ და აგვისსან, რომ ეს ანტიკონსტიტუციური მოდელია და დიალოგი დასურულია, თუ ამ განცხადებებს გააკეთებენ, ეს პროცესი ჩაიშლება, – განაცხადა ნინო ბურჯანაძემ.

საქართველოს პარლამენტის წევრმა, ირაკლი კობახიძემ გუშინ განაცხადა, რომ ხელისუფლებამ ანგარიში გაუწია დიპლომატიური კორპუსის წარმომადგენლებს და ხვალ, დღის პირველ ნახევარში შედგება შეხვედრა ხელისუფლების წარმომადგენლებსა და ოპოზიციის შორის, რომელსაც დიპლომატიებიც დაესწრებიან.

ზაურ ნაჭყებია:
„მონებრის
ამბონებუიდან“ ...
სასალსო ④
ამბონებუიდაუ!

რამდენი
მილიარდით
დაბვესმარა სუბ?
\$4 348 400 000 -
სუბ-ის ფინანსური
დახმარება საქართველოს
28 წლის განმავლობაში ⑨

გიორგი კახელიძე:
საქართველოს
პროვულ
ბიბლიოთეკაჷ
რუსული
კულტურისა და
ენის ცენტრი
არ გაიხსნება!!!



თითოეული სამინისტრო, მთავრობა ყველაფერს გააკეთებს, რათა იყოს თქვენი ღირსეული და ეფექტიანი მედიატორი, რომ ეს პროექტები მივიყვანოთ საბოლოო, ლოგიკურ დასრულებამდე, — ამის შესახებ საქართველოს პრემიერ-მინისტრმა გიორგი გახარია ადგილობრივი და საერთაშორისო ბიზნესისთვის 100 საპროვატიზების შესახებ გამართულ პრეზენტაციაზე განაცხადა.

მისი თქმით, ეს არის მთავრობის ძირითადი მიზანი და მოტივი.

„მიუხედავად ყველაფრისა, ჩვენ ყველას კარგად გვესმის, რომ საარჩევნო წელიწადია, ჩვენ ყველას კარგად გვესმის, რომ არის გარკვეული ტურბულენტობა. მიუხედავად ამისა, მთავრობაც და ბიზნესიც ბევრად უფრო კონცენტრირებულად, წყნარად, მშვიდად უფრო მეტი შემართებით, ეფექტიანობაზე მეტი

კონცენტრირებით უნდა ვდგამდეთ ნაბიჯებს. კიდევ ერთხელ მოგიწოდებთ კოლეგებო და გპირდებით, რომ ყველა ის პროექტი, რომელსაც განიხილავთ თქვენ და, რომელზეც გამოხატავთ თქვენს ინტერესს, თითოეული სამინისტრო, მთავრობა სრულად ყველაფერს გააკეთებს იმისთვის, რომ იყოს თქვენი ღირსეული და ეფექტიანი მედიატორი იმისთვის, რომ ეს პროექტები მივიყვანოთ საბოლოო, ლოგიკურ დასრულებამდე და იმისთვის, რომ ჩვენს მოქალაქეებს ახალი, დამატებითი სამუშაო ადგილები შევთავაზოთ, — განაცხადა გიორგი გახარია.

საქართველოს ეკონომიკისა და მდგრადი განვითარების სამინისტროს ინფორმაციით, სსიპ სახელმწიფო ქონების ეროვნულმა სააგენტომ სახელმწიფო ქონების პროაქტიული პრივატიზება დაიწყო. პროექტი 100 პარალელური აუქციონის ერთდროულად ჩატარებას და სახელმწიფო ქონების გამარტივებული პროცედურებით პრივატიზებას ითვალისწინებს.

„პირველ რიგში, მინდა, მაღლობა გადავუხადო ეკონომიკის სამინისტროს, საკმაოდ ეფექტური და სწრაფი მუშაობისთვის, რათა მათ შეძლეს და შემოგვთავაზეს, ფაქტობრივად, 100 საინვესტიციო პროექტი. ყველაზე მნიშვნელოვანი გახლავთ ის, რომ დღევანდელი დღიდან ხელმისაწვდომი იქნება არანაკლებ 100 საინვესტიციო პროექტი, რომელსაც შემოგვთავაზებს სახელმწიფო, რათა ბიზნესმა უფრო ეფექტურად შეძლოს ოპერირება. არაერთხელ გვითქვამს, რომ ჩვენთვის ყველაზე მნიშვნელოვანი არის სამუშაო ადგილების რაოდენობა, განათლება, უსაფრთხოება და ყველაფერი ერთად უნდა გვაძლევდეს სწრაფ ეკონომიკურ ზრდას. სხვათა შორის, ჩვენ ოქტომბერში მიუხედავად ამ ყვე-

ლაფრისა, ზოგიერთი კოლეგის „ხულიგნობისა“ ეკონომიკური ზრდა გვექონდა 5,7%. 10 თვის მასშტაბით ჩვენ გვექონდა ზრდა 5,1%, რა თქმა უნდა, ეს არ არის საკმარისი, ჩვენს ეკონომიკას სჭირდება მეტად უფრო სწრაფი ეკონომიკური ზრდა, სწორედ ამიტომ გადავდგით ჩვენ ეს ნაბიჯი და სწორედ ამიტომ ყველა ის აქტივი განსაკუთრებით სახელმწიფო საკუთრებაში, რომელიც არსებობს, რომელიც სრულად არაა ჩართული ეკონომიკურ ბრუნვაში, ჩვენ რაც შეიძლება სწრაფად უნდა „გავაცოცხოთ“. იმისთვის, რომ მივცეთ ბიზნესს საშუალება, უფრო ძლიერად ოპერირებდეს და, რა თქმა უნდა, ჩვენი ყველაზე მნიშვნელოვანი მიზანი გახლავთ ძლიერი ბიზნესი, რომელიც ქმნის სამუშაო ადგილებს“...

ბიორბი ბასარია: 100 ახალ ბიზნესპროექტს მივიყვანთ გოლოვად და ჩვენს მოქალაქეებს უპოვავადა დაეხმებით სამუშაო ადგილებს

პრემიერ-მინისტრმა განაცხადა, რომ მთავრობა ყველაფერს გააკეთებს, რათა ბიზნესისთვის იყოს ღირსეული და ეფექტური მედიატორი იმისთვის, რომ ეს პროექტები მივიყვანოთ საბოლოო, ლოგიკურ დასრულებამდე და იმისთვის, რომ მოქალაქეებს შესთავაზონ ახალი, დამატებითი სამუშაო ადგილები.

„ეს არის ჩვენი ძირითადი მოტივი, ეს არის ჩვენი ძირითადი მიზანი და, რა თქმა უნდა, მიუხედავად ყველაფრისა, ჩვენ ყველას კარგად გვესმის, რომ საარჩევნო წელიწადია, ჩვენ ყველას კარგად გვესმის, რომ არის გარკვეული ტურბულენტობა. მიუხედავად ამისა, მთავრობაც და ბიზნესიც ბევრად უფრო კონცენტრირებულად, წყნარად, მშვიდად უფრო მეტი შემართებით, ეფექტიანობაზე მეტი კონცენტრირებით უნდა ვდგამდეთ ნაბიჯებს. კიდევ ერთხელ მოგიწოდებთ კოლეგებო და გპირდებით, რომ ჩვენს მოქალაქეებს შევთავაზოთ ახალი, დამატებითი სამუშაო ადგილები“, — განაცხადა გიორგი გახარია.

საქართველოს მიმოსვლის აღდგენა, ლუბარის ლაბორატორია და დაკავებული ექიმის განთავისუფლება

მ.წ. ლუბარის ლაბორატორიის კარი ყველა ქვეყნის, მათ შორის რუსი მეცნიერებისა და ექსპერტებისათვის ღიაა, — ამის შესახებ პრეზენტაციაზე, ქართული რუსული არაფორმალური დიალოგის ფარგლებში, რუსეთის ფედერაციასთან ურთიერთობის საკითხებში საქართველოს პრემიერ-მინისტრის სპეციალურმა წარმომადგენელმა ზურაბ აბაშიძემ რუსეთის ფედერალური სათათბიროს ფედერალური საბჭოს წევრ გრიგორი კარასინთან შეხვედრაზე განაცხადა.

შეხვედრაზე ზურაბ აბაშიძემ საზგასმით გაამახვილა ყურადღება ცხინვალის დე ფაქტო ხელისუფლების მიერ ქართველი ექიმის ვაჟა გაფრინდაშვილის უკანონო დაკავების ფაქტზე, რამაც საქართველოსა და საერთაშორისო მასშტაბით ფართო რეზონანსი გამოიწვია.

პრემიერ-მინისტრის სპეციალურმა წარმომადგენელმა აღნიშნა, რომ აუცილებელია პატიმრობიდან ვაჟა გაფრინდაშვილის სასწრაფოდ გათავისუფლება. რის საპასუხოდაც გრიგორი კარასინმა თქვა, რომ

ვაჟა გაფრინდაშვილი, სავარაუდოდ, უახლოეს მომავალში დაუბრუნდება ოჯახს.

ამ კონტექსტში ზურაბ აბაშიძემ ისაუბრა აფხაზეთსა და ცხინვალის რეგიონში ადამიანის უფლებების დაცვისა და ჰუმანიტარული კუთხით არსებულ რთულ ვითარებაზე, რაზეც უფრო დეტალური საუბარი განიშორდა ახლო მომავალში შენევის საერთაშორისო მოლაპარაკებების მორიგ რაუნდზე.

დღის წესრიგით გათვალისწინებული საკითხებიდან მხარეებმა ორ ქვეყანას შორის 2019 წლის იანვარ-ოქტომბრის პერიოდში სავაჭრო-ეკონომიკური ურთიერთობების, სატრანსპორტო და ჰუმანიტარული კავშირების დინამიკა განიხილეს. ყურადღება გამახვილდა სავაჭრო და სატრანსპორტო სფეროებში ჩართული ქართული კომპანიების ინტერესების დაცვასა და პრობლემების მოგვარებაზე. სატრანსპორტო კავშირებზე საუბრისას, რუსული მხრიდან აღინიშნა, რომ მოსკოვში განიხილავენ საქართველოსა და რუსეთს შორის პირდაპირი ავიამიმოსვლის აღდგენას, თუმცა კონკრეტული ვადები არ დასახელებულა.

საუბარი შეეხო „საქართველოს მთავრობასა და



რუსეთის ფედერაციის მთავრობას შორის საბაჟო ადმინისტრირებისა და სასაქონლო ვაჭრობის მონიტორინგის მექანიზმებთან დაკავშირებული ძირითადი პრინციპების შესახებ“ 2011 წლის შეთანხმების იმპლემენტაციას. კერძოდ, აღინიშნა, რომ მხარეებმა ხელი უნდა შეუწყონ ექსპერტების დონეზე შექმნილი სამუშაო ჯგუფის საქმიანობას, რომლის მორიგი შეხვედრაც ახლო მომავალში გაიმართება.

რუსეთის მხარის დაინტერესების გათვალისწინებით, ზურაბ აბაშიძემ დაადასტურა, რომ ე.წ. ლუბარის ლაბორატორია თავის საქმიანობას ტრანსფარენტულად წარმართავს.

ვაჟა გაფრინდაშვილმა ოჯახს ცხინვალის იზოლაციიდან წერილი გაუგზავნა

მძიმე ვაჟა გაფრინდაშვილმა ოჯახს ცხინვალის იზოლაციიდან წერილი გაუგზავნა. გაფრინდაშვილი გუშინ „ნათელი ჯვრის“ წარმომადგენლებმა ოკუპირებული ცხინვალის ციხეში მონიშნულს.

„ნათელი ჯვრის საერთა-



შორისო კომიტეტის“ კომუნიკაციის დეპარტამენტის ხელმძღვანლის მაია ქარდავას თქმით, ექიმის ჯანმრთელობის მდგომარეობა დამაკმაყოფილებელია. ეს „ნათელი ჯვრის“ მიერ გაფრინდაშვილთან შემდგარი მეორე ვიზიტი იყო.

„ოჯახის მიერ შევსებული „ნათელი ჯვრის“ საბარათე ბლანკი გადაეცა მას. მან საპასუხო წერილი ამჯერადაც გამოუგზავნა ოჯახს, რომლის სკანირებული ვერსიაც გადაეცემა ოჯახს.

სამწუხაროდ, მე სრულად არ ვარ უფლებამოსილი, რომ დეტალურად გესაუბროთ, თუმცა შემიძლია გითხრა, რომ მისი თქმით, ის თავს გრძობს ნორმალურად და მისი ჯანმრთელობის მდგო-

მარეობა არის დამაკმაყოფილებელი“, — თქვა მაია ქარდავამ.

მხარდაჭერი აქცია იტალიაში

„თავისუფლება ვაჟა გაფრინდაშვილს“, — ამ ლოზუნგით იტალიის დედაქალაქში ქართველმა ემიგრანტებმა რუსეთის საელჩოს წინ აქცია გამართეს. რომში გამართულ აქციაზე საქართველოს ჰიმნი შეასრულეს. ამით ოკუპირებულ ტერიტორიაზე ეგრეთ წოდებული საზღვრის უკანონოდ გადაკვეთის ბრალდებით დაკავებულ ვაჟა გაფრინდაშვილს მხარდაჭერა გამოუცხადეს და რუსული აგრესია დაგმეს. ვიდეომასალა სოციალური ქსელით გავრცელდა.

ნათია თურნავა: იმედია, ნელს თუ არა, მოგვალ ნელს მაინც იმუშავებს საკრედიტო-საბარანტიო მექანიზმი...

საკრედიტო-საბარანტიო მექანიზმი, ეს არის ერთ-ერთი მნიშვნელოვანი ბერკეტი და ფინანსური მხარდაჭერის სქემა, რომელსაც ბიზნესს ვთავაზობთ, თუმცა არა ერთადერთი, – ამის შესახებ ეკონომიკისა და მდგრადი განვითარების მინისტრმა ნათია თურნავამ განაცხადა.



მისი თქმით, სახელმწიფო ასევე ბიზნესს ესმარება „ანარმოვ საქართველოში“ პროგრამის ფარგლებში საბანკო სესხების სუბსიდირების მხრივ და ეს პროდუქტი ყველაზე მოთხოვნილია.

„პატრიოტთა ალიანსი“ ხელისუფლებას უფრო მკაცრად შეუტავს

„პატრიოტთა ალიანსი“, პროპორციული არჩევნების ჩატარების მოთხოვნით, 30 ნოემბერს საპროტესტო აქციას გამართავს. როგორც „2020NEWS“-ს პარტიის ერთ-ერთმა ლიდერმა გოჩა თევდორაძემ განუცხადა, მათი მოთხოვნა პროპორციული არჩევნების ჩატარების გარდა, დამნაშავეების დაკავებაა.



„ჩვენნი მოთხოვნა პროპორციული არჩევნების ჩატარება და დამნაშავეების დასჯა. აქციის დროს გავაფლვებთ, რომ რეზოლუციის პროექტი იყოს მიღებული და დამნაშავეები იყვნენ დასჯილები. დამნაშავეებში ვგულისხმობ სააკაშვილ-ბოკერიას რეჟიმს. ამას ახლა კი არ ვითხოვთ, უკვე დიდი ხანია. 400 ათასი ადამიანის ხელმოწერაა გაკეთებული, ვისაც ამ რეჟიმის წარმომადგენლების დაჭერა სურს“, – განაცხადა გოჩა თევდორაძემ. „პატრიოტთა ალიანსის“ ერთ-ერთი ლიდერის თქმით, აქციებით აუცილებლად მი-

მამუკა ხაზარაძე, ფიქრია ჩიხრაძე და ღვთისმშობლის მონასტრის მღვდელი ალიანსს ქმნიან

მომხრებ „ლელო“, „შენების მოძრაობა“ და „ახალი მემარჯვენეები“ ალიანსს ქმნიან. როგორც გუშინ გამართულ ბრიფინგზე ფიქრია ჩიხრაძემ აღნიშნა, მიიღეს გადაწყვეტილება მჭიდრო კოორდინაციის რეჟიმში დაიწყოს კონსულტაციები ქვეყანაში შექმნილი ჩიხური ვითარების დასაძლევად.



„ჩვენ გამოვხატავთ მოსახლეობის დიდი ნაწილის ინტერესს, რომელიც უკიდურესად კრიტიკულად არის განწყობილი არსებული ანკეის მიმართ და წარსულის დაბრუნებას აშინებს. ეს იქნება თანასწორუფლებიანი პარტიორების მიერ პარტიტულ სანქციებზე შექმნილი პლატფორმა, რომელიც დაამარცხებს ორპოლუსიან სისტემას, ისარგებლებს საზოგადოების ნდობით და ააშენებს ძლიერ განვითარებულ დემოკრატიულ ქვეყანას. საქართველო არის ჩვენი სამშობლო, რომელიც ძლიერ სახელმწიფოდ უნდა ვაქციოთ“, – განაცხადა ფიქრია ჩიხრაძემ.

ეროვნული ბიბლიოთეკის შენობასთან საპროტესტო აქციის გამო არანაირ დისკომფორტს არ ვგრძნობ, – ამის შესახებ ჟურნალისტებთან საუბარში იუსტიციის მინისტრმა თეა წულუკიანამ განაცხადა.

კითხვაზე, ხომ არ უქმნიან საპროტესტო აქციის მონაწილეები მას დისკომფორტს, წულუკიანამ აღნიშნა, რომ არამც თუ რამე დისკომფორტი არ არსებობს, არამედ ისიც და ლონისძიებაზე მყოფი ევროკავშირისა და UNICEF-ის წარმომადგენლები ასეთ ფონსა და რეკლამას ვერც კი ინატრებდნენ.

ის ხალხი, ვინც ბარათ გვიტყვინს, ნივით ყრიდა ბავშვებს სიხეში!

„ჩვენ დღეს ვხეივანით საქართველოში გაეროს ბავშვთა უფლებების კონვენციის 30-ე წლისთავს და ის ხალხი კი, ვინც გარეთ სტვენს, ნივით ყრიდა ბავშვებს ციხეში. ეს ფონი სიმბოლურია, მაგლობა მათ ამისთვის, ვინაიდან საზოგადოებამ დღეს კიდევ ერთხელ დაინახა ამ ადამიანების სახე. ხელისუფლებაში მათი ყოფნის დროს არ არსებობდა არასრულწლოვანთა

მართლმსაჯულების კოდექსი და ფესქვეშ ითვლებოდა გაეროს ბავშვთა უფლებების კონვენცია. დღეს ჩვენ დავანთხეთ, რომ ჩვენ არასრულწლოვანთა დაწესებულებაში, რომელიც 100 ადამიანზეა გათვლილი და გარეთ შეკრებილი ადამიანების ხელისუფლებაში ყოფნისას გადავსებული იყო, ახლა მხოლოდ 23 ბავშვი იმყოფება“, – განაცხადა წულუკიანამ.

200 კასით მუშავებს ნუ აბრახუნებენ!

უმრავლესობის ერთ-ერთი ლიდერის ირაკლი კობახიძის განცხადებით, საპროტესტო აქციებთან დაკავშირებით უმრავლესობის წევრებს „ემოციების დარეგულირება უნდა“. „გვინდვს დეპუტატების შეკავება იმისთვის, რომ არ გამოხატონ ის ემოციები, რომლებიც აქვთ ამ გარე აქციასთან დაკავშირებით. ეს 100 დეპუტატი იყო იმ 198 კაცს, რომლებიც არიან პარლამენტის გარეშე, თუ ემოციებზე არის საუბარი... შეაფასონ საკუთარი რესურსები და 200 კაცით მუშაობენ ნუ აბრახუნებენ“, – თქვა კობახიძემ ოპონენტებზე.



ნუკრი ქანთარია: „ნაციონალური მოძრაობა“ ინფექციური ბასილაა, ვინც მასთან ღებუა, ინფექცია გადადებული აქვს

ოპოზიციის უნდა, რომ „ქართული ოცნების“ დეპუტაციამ ის ჩავიდინოთ, რაც დეპუტატს არ შეეფერება, – ამის შესახებ საპარლამენტო უმრავლესობის წევრმა ნუკრი ქანთარიამ ჟურნალისტებთან საუბრისას განაცხადა. ნუკრი ქანთარიას თქმით, ოპოზიციის პროტესტი „მარგინალიზაციისკენ მიექანება“. „ქუჩის ოპოზიციაც ნანახი მაქვს, მონაწილეც ვარ, გამწვავება როგორ უნდა მოხდეს, ესეც კარგად ვიცი. თუ ოპოზიციის პროტესტს დრამატიზმის

ნიშნები ჰქონდა, ახლა სრული კომიზია. აბსოლუტურად კომიკურ სიტუაციაში არიან, კომიკურ პერსონაჟად იქცნენ. თავად კარგად იციან, რომ სრული მარგინალიზაციისკენ მიექანებიან. არის ერთადერთი გზა, რომ ამ ყველაფერს თავი დაანებონ და საარჩევნო რეჟიმში გადვინდნენ. „ნაციონალური მოძრაობა“ ინფექციური ბაცილაა, ვინც მასთან ღებუა, ინფექცია გადადებული აქვს. ყველა ერთად ნავა პოლიტიკურ წარსულში და მათ ადგილზე ნორმალური, ანგარიშგასანევი ძალა აღმოცენდება.

შეუერთდება ბიორგი კვირიკაშვილი „ოცნებოდან“ ნაპოსულ დავუტატებს?




დეპუტატმა მარიამ ჯაშმა ყოფილ პრემიერ-მინისტრ გიორგი კვირიკაშვილთან პოლიტიკური თანამშრომლობა დაანონსა. „იმ შემთხვევაში, თუ გიორგი კვირიკაშვილი პოლიტიკაში დაბრუნებას გადაწყვეტს, დიდი ალბათობით, მისი გუნდის წევრად მისილაგვთ“, – განაცხადა მარიამ ჯაშმა.

ზე გიორგი კვირიკაშვილი რაიმე ფორმით პოლიტიკაში მონაწილეობას არ აპირებს. შემიძლია გითხრა, რომ ყველა იმ პოლიტიკოსთან და კონსტრუქციულ ძალასთან, რომელიც პოლიტიკაში კეთილსინდისიერებით გამოირჩევა, ჩვენი ფრაქცია ითანამშრომლებს“, – განაცხადა კობახიძემ.

ასათი სისულელე მხოლოდ „ბირჩა“ შეიქლება მოიფიქროს!

„ბიბლიური თემისუფლება“ მღვდელმსახურებს მონაწილეს საშუალებას აძლევს, – ამის შესახებ „ბირჩის“ მიერ გავრცელებულ განცხადებაშია აღნიშნული. „ბირჩის“ მიერ დაფუძნებული რელიგიური ორგანიზაცია „ბიბლიური თავისუფლება“ საკუთარ მღვდელმსახურებს მონაწილესა და ეკლესიის მსახურებიდან გასვლის შესაძლებლობას აძლევს. მღვდელმსახურის სტატუსის გასაუქმებლად, „ბიბლიური თავისუფლების“ წევრები „ბირჩის“ ოფისში, ბესიკის 4-ში, ორშაბათიდან პარასკევის ჩათვლით, უნდა მოვიდნენ. წარმოსადგენი დოკუმენტაცია – პირადობის მოწმობა, გაცემული მოწმობა, მისი ასლი ან კურთხევის საფასური. მონაწილეს საფასური: 50 ლარი“, – აცხადებენ „ბირჩის“.



„ბირჩა“, „ბიბლიური თავისუფლება“ ორი წლის წინ, ახალგაზრდების სავალდებულო სამხედრო სამსახურიდან გასათავისუფლებლად დააფუძნა. ამ დროისთვის, რელიგიურ ორგანიზაციას 30 ათასამდე „მღვდელმსახური“ ჰყავს.



„მონაბის აბოხაბილან“... სასალსო აბოხაბაჟღუ!

„ბიძინამ გადაგვამო“! „ბიძინამ ხალხი მოახშა“! ხშირად გვეხმის ამ ბოლო დღეებში. სხვათაშორის, გადაგვამოზე არა მარტო ფეხისბუქს ჩაფრენილები და ცრუ ანალიტიკოს-პოლიტიკოსები მოთქვამენ, არამედ, ეს თემა სრულიად საქართველოს საჯილდო ქვად იქცა!

გუშინ ერთმა მეგობარმა მითხრა, რომ 14 ნოემბერს, საკონსტიტუციო ცვლილებების პარლამენტში ჩავარდნის დღეს, აღმწვთებულმა ტაქსისტმა „დაიმუქრა“ თურმე, რომ ამ მოქცევაზე გადაგვამოს ივანიშვილს არ აპატიებს!

შეურაცხყოფას არავის ვაყენებ, მაგრამ, იმ ფეხის ხმას აყოლილმა ტაქსისტმა თუ იცოდა, რა ხდება რეალურად ქვეყანაში და რა სარგებლობას ან ზიანს მოგვტანს პროპორციულ საარჩევნო სისტემაზე გადასვლა მომავალი არჩევნების წინ, ან რატომ ვთელავთ ყოველდღე სახელმწიფოს უმთავრეს კანონს – საქართველოს კონსტიტუციას, სადაც ხაზგასმით ჩაინერა, რომ საქართველო პროპორციულ საარჩევნო სისტემაზე გადადის 2024 წლიდან?

რა თქმა უნდა, სიტყვის გატყვავა, ანუ თუ ჟარგონულად ვიტყვით, გადაგვამო, ყოველთვის მძაფრ ემოციას იწვევს, მიუხედავად, თუ ეს ისეთი პერსონისგან მოდის, როგორც საქართველოს ფორმალური თუ ოფიციალური მმართველი ბიძინა ივანიშვილია, მაგრამ მე პირადად უადგილოდ მეჩვენება საზოგადოების ალტყინება, როცა ხმის ჩახლჩამდე გაჰყვიროს: „ბიძინამ გადაგვამო“!

თქვე კია ხალხო, 2012 წლიდან დღემდე ივანიშვილს საკუთარი დაპირებებიდან ბევრი რამ არ შეუსრულებია და რაღა ახლა გამოგვფიხლდით, როცა საქმე ანტიქართულ ინიციატივას ეხება? გააზრებულნი გვაქვს კი, რას ნიშნავს პროპორციულ არჩევნებზე გადასვლა დღევანდელ პირობებში, მითუმეტეს, 0-პროცენტული საარჩევნო ბარიერით?!

თუ დემოკრატიულ არა, დემოკრატიისკენ მიმავალ სახელმწიფოსთან გვაქვს საქმე, ფორმალურად ივანიშვილი არაფერ შუაშია კენჭისყრის შედეგებთან. სხვა საკითხია, რამდენად გულწრფელნი იყვნენ პროტესტანტი მაჟორიტარები და რამდენად დამოუკიდებლად მიიღეს მათ ეს გადაწყვეტილება! რა შეიძლება მოჰყვეს „მონების ამბოხებას“?

„ეს არის მონების ამბოხება“ – ასე ხატონად შეაფასა სახალხო პარტიის ლიდერმა, ცნობილმა ანალიტიკოსმა მამუკა გიორგაძემ 14 ნოემბრის საპარლამენტო შოუ.

ამ სიტყვებით მან ლაკონურად ჩამოაყალიბა მაჟორიტარების ყალბი პროტესტი, რომ ისინი მონაწილეობას არ მიიღებდნენ საკონსტიტუციო ცვლილებების კენჭისყრაში!

ყალბი პროტესტი შემთხვევით არ მოთქვამს, რადგან ისინი ის ხალხია, ვინც „ქართული ოცნების“ (შესაბამისად, ბიძინა ივანიშვილის) ზურგს ამოფარებულნი აღმოჩნდნენ პარლამენტარის სავარძელში.

თუმცა, თუ მედალს მეორე მხრიდან შევხედავთ, მათი „ამბოხი“ არც უნდა გვიკვირდეს, რადგან, პროპორციულ არჩევნებზე გადასვლის შემთხვევაში, ისინი არსებითად კარგავენ პარლამენტში მოხვედრის პერსპექტივას და თა-

ვისებურად კუდი მოიქნიეს. თუმცა, თუ უფრო ჩავუღრმავდებით, მაჟორიტართა პროტესტი უსაფუძვლოა, რადგან იგივე ივანიშვილის მიერ გაცემული „ჯავშნის“! გარეშე მათ მომავალ პარლამენტში მოხვედრის მინიმალური შანსიც არა აქვთ!

აქედან დასკვნა მარტივია: მათი „ამბოხი“ წინასწარ გათვლილ პროცესად უნდა ჩაითვალოს, ვიდრე საკუთარი „ბატონისადმი დაუმორჩილებლობად“.

ლოგიკურად ისმება კითხვები: რატომ ჩააგდო კანონპროექტი „ქართულმა ოცნებამ“, რომლის ინიციატივაც თვითონვე მოახდინა?

რამდენად გულწრფელია ბიძინა ივანიშვილის სახელდახელო განცხადება, სადაც ის „განცვიფრებას“ ვერ მალავს საკონსტიტუციო ცვლილებების ჩავარდნის გამო?

თუ ივანიშვილის განცხადებას ჩავუღრმავდებით, მიხვდებით, რომ მისი, როგორც მმართველი პარტიის თავმჯდომარის ადრინდელი ინიციატივა – პროპორციულ სისტემაზე გადასვლა და 0-პროცენტული საარჩევნო ბარიერის დაწესება, მხოლოდ დროის გაყვანის ტაქტიკა და ქართული დემოკრატიზაციის თამაში იყო, რომელიც, ლოგიკური შედეგით დასრულდა – თავიდანვე უნდა გვეფიქრა, რომ ივანიშვილი „გემრიელ ლუქმას“, ანუ მაჟორიტარის მანდატებს არ დათმობდა, რადგან, დღითი დღე კლუბადი რეიტინგის ფონზე მისი ხელისუფლებაში (უმრავლესობაში) დაჩრჩინის შანსი მინიმალურზე დაბალი იქნებოდა!

„პროპორციულ არჩევნებზე გადასვლა საქართველოსთვის პანაცეა არ არის!“

პირდაპირ უნდა ითქვას, რომ დღეს პროპორციულ საარჩევნო სისტემაზე გადასვლა საქართველოსთვის უკუსვლის ტოლფასია. იმის გათვალისწინებით, რომ ქვეყანაში კვალიფიციური (პროფესიული) პოლიტიკური პარტიები არ არიან, რომელთაც გამოკვეთილი იდეოლოგია, სახელმწიფოს განვითარების სტრატეგია და ტაქტიკა (პროგრამაზე რომ არააფერე ვთქვათ) არა აქვთ, მაჟორიტარებზე უარის თქმა აზრს უკარგავს ზოგადად არჩევნებს!

ის, რომ მაჟორიტარებმა პატარა ფეოდალების სტატუსი დაიმკვიდრეს რეგიონებში და გავლენის სფეროების გასაფართოებლად მუდმივ დაპირისპირებაში არიან ადგილობრივი თვითმმართველობის ხელმძღვანელებთან, არ არის მყარი არგუმენტი, უარი ვთქვათ არჩევნების შერეულ სისტემაზე. თუ ობიექტურად შევაფასებთ, მათი გაძლიერებული მადა უფრო ცენტრალური ხელისუფლების მხრიდან სრულ უკონტროლობაზე და მათ „საბალახოდ“ მიშვეებაზე მეტყველებს. ნაბან წყალს ბავშვიც გადააყოლებსო, ნათქვამისა არ იყოს, თუ მოქმედი პრაქტიკაა მახინჯი, ეს იმას არ ნიშნავს, საერთოდ უარი

ფერი ვთქვათ, არც ისინი აკმაყოფილებენ პროფესიული პარტიებისთვის დამახასიათებელ მოთხოვნებს და უფრო პოლიტიკური სექტის შთაბეჭდილებას ტოვებენ!

მაშ, რა სარგებლობა მოაქვს ამ შემთხვევაში „მამალს“, ანუ პროპორციულ არჩევნებს?! არანაირი, პირიქით, უფრო პოლიტიკური ქაოსისკენ მიჰყავს ქვეყანა! ველოდოთ თუ არა რევოლუციას და რატომ გვაძალბებენ იმას, რაც ჩვენთვის არ არის სასარგებლო?!

ბევრი შიშობს, რომ შესაძლოა, რუსთაველზე დაწყებული პროცესებმა შეუქცევადი ხასიათი მიიღოს და რევოლუციით, ანუ სახელმწიფო გადატრიალებით დაგვირგვინდეს, რაშიც პირადად მე ეჭვი მეპარება.

ჯერ ერთი, რა ფოკუსებიც დაატრიალა ივანიშვილმა, ის მარტო მის თავში არ მოხარშულა და მის უკან მდგარმა ძალებმა კარგად იციან, რომ დღეს საქართველო არ არის მზად ახალი რევოლუციისთვის, ანუ ყველაფერი წინასწარ დაგეგმილი სცენარით იმართება და მოსალოდნელი შედეგიც წინასწარვეა ცნობილი.

უდავოა ისიც, რომ ამ „გასროლით“ ივანიშვილმა მოკვლულ და ნაფტალინიდან ამოყრილი პარტიების საბოლოოდ გააშვილა. ყველა ერთი, ანუ ივანიშვილის წინააღმდეგ გაერთიანების ლოზუნგმაც ვერ გადაფარა „ნაციონალების“ გვერდით დადგომით გამოწვეული უარყოფითი ემოცია – ისინი ეშმაკსავე შეეკვრებიან, როცა დაიწყება „სასუსნავი“ იშოვონ. ასე რომ, რუსთაველზე მიმდინარე აქციები და ცალკეული პოლიტიკოსების შეშინება (მაპატივთ, ჟარგონისთვის) გაერთიანება მათ არსებით შედეგს ნამდვილად არ მოუტანს – დიდი დიდი შეიძლება, ივანიშვილმა ერთი უმწეო „ბარტყი“ გადაუგდოს!

ბოლო დღეების ქრონიკამ დაგვანახა, რომ ქართული პოლიტიკური სივრცე პოლიტიკური ნაგვისგან უნდა განთავისუფლდეს – ყველა მათგანი (დიდ-პატარისანად) პოლიტიკურ სანაგვეში უნდა მოვისროლოთ.



ზაურ ნაცხვიანი

P.S. **რომორც ცნობილია, მაჟორიტარულ სისტემაზე გადასვლა ჩვენი ე.წ. პარტინორების და საერთაშორისო თანამეგობრობის მოთხოვნაა, რომელსაც მარიონეტი ხელისუფლება ყოველთვის უსიტყვოდ ასრულებს. პროპორციული სისტემაზე გადასვლისას მოსალოდნელ უარყოფით შედეგებზე ზემოთ ვისაუბრე. ახლა მხოლოდ ერთ მოკრძალებულ კითხვას დავსვამ: რატომ არ შეიძლება საქართველოში გვექონდეს ორპალატიანი (ზედა და ქვედა პალატა) საპარლამენტო სისტემა, თუ ასეთი რამ ამერიკაში და სხვა სახელმწიფოებშიც არსებობს, ან რატომ გვაიძულებენ ისეთ საარჩევნო სისტემაზე გადასვლას, რომელიც ქვეყანას მხოლოდ საპარლამენტო ქაოსში შეიყვანს?**

ზ. ნ.

„მედიასენტრ მთავარს“ სოფო სორგუანი საქართველოს ფართო დაუთმოვს

უფლებადამცველი სოფო სორგუანი „მედიაცენტრ მთავარს“ მუშაობის გაგრძელებისთვის საკუთარი ბინის ნაწილს დაუთმოვს.

„ბოლო 10 წელია, ჩემი კერძო კომპანია მაქვს, ჩემი პირადი შემოსავლებით შევიძინე ბინა, სადაც ნაწილს დავეუთმებ „მედიაცენტრ მთავარს“, რადგან ვიცი, რას ნიშნავს, როცა მარტო, მხოლოდ შენი უნარებით, შრომითა და მონდომებით იმკვიდრებ ადგილს, როცა ერთ დღეს ქუჩაში რჩები შენი პირადი ბრალეულობის გარეშე, როცა თავს დამტყდარი სასონარკვეთამდე ერთ ნაბიჯს გიტოვებს და როცა არ იცი, ხვალ რა უნდა აკეთო, როგორ გადარჩე. გადარჩე როგორც ადამიანი, რო-



გორც მოქალაქე, როგორც პროფესიონალი. პოდა, უბრალოდ ვინმემ გაზედოს და ჩემს კერძო საკუთრებაში შემოჭრა სცადოს“, – წერს სორგუანი.

პრესკლუბმა „მთავარი“ მუშაობა შეაჩერა და პრესკლუბში პრესკონფერენციები არ გაიმართება.

როგორც პრესკლუბ „მთავარის“ ხელმძღვანელი ევა გულუა აცხადებს, დამოუკიდებელ მედიორგანიზაცია „მედიაცენტრ მთავარში“ ორჯერ შეიჭრნენ საპროტესტო აქციის ახალგაზრდული ფრთის – „სირცხვილია“ და „გაბეგუნა“ წარმომადგენლები, რომლებმაც პრესკონფერენცია ჩაშალეს და მთელ შენობაში შექმნეს გარკვეული სახის დისკომფორტი.



გიორგი მაქაშაშვილი: ამათზე ახლა მართლა ელალია სააკაშვილი, ახალაია და მერაბიშვილი!

უკვე თვეებია, რაც ამ საგიჟეთს ვუყურებთ. რიგი მიზეზების გამო ვდუმდი დღემდე, მაგრამ ამ დუმილსაც აქვს საზღვარი. ვინც დღემდე დანყვევლა და ვისაც არ ეზარება, ყველა ბინძური მეთოდებით ცდილობს ყურადღების მიქცევას და სახელმწიფოს ჩამოსაშლელად აგურს აგურზე ამატებს.

ბევრ ნაცნობ ნაძირალას რამდენიმე უცნობიც მიეტმასნა და სულ რაღაც რამდენიმე ათეული (გნებათ, ასეული!) პროტესტანტის (უფრო მართებულად თუ ვიტყვით – ექსტრემისტის!) გამო ქვეყანა ზარალდება.

ისე ურცხვად და უტიფრად ივინყებენ 7 ნოემბერს და 26 მაისს, თითქოს დიდი სუფრა ჰქონდათ გაშლილი, უპორებს აპურებდნენ იმ დანყვევლილ დღეებში და თავმდაბლად არ იხსენებენ მხოლოდ... არადა, თავდაცვას გახლდით იმ დღეებში დაზარალებულიც და რეზინის ტყვიებით დაცხრილილიც! დიას, სწორედ 7 ნოემბერი, 6 მაისი, 15 ივნისი და 26 მაისი იყო რეალური სახე ამ ნაძირალე-

ბისა! დღეს არ აწყობთ და არ იხსენებენ არც 26 მაისს, ჯიხურების თავზე შემოყრილ გვამებს და გველურად სისინებენ წყლის ჭავლით დაშლილ აქციებზე...

არადა, როგორც ვახტანგ გამელაურს დაქვემდებარებულმა პოლიციურმა ძალებმა დაშალეს (!) კანონის დამრღვევები, მგონი, ბოლო წლების ისტორიას მსგავსი დაშლა (!) არც ახსოვს!

არადა, რომ ვუკვირდები, ამათზე ახლა მართლა ალალია შინაგან საქმეთა მინისტრად მერაბიშვილი და აქციის მთავარ დამშლელ ძალად – ახალაია! (სულერთია – რომელი!) არადა, რომ ვუკვირდები, ამათზე მართლა ალალია პრეზიდენტად მიხეილ სააკაშვილი და კაკალაშვილის პოეზიით გამთბარი ძვლები მერე გენახათ...

არადა, ამათზე, მგონი, მართლა ალალია დუშმორეული თარგამაძე (გვი) და „სულის ამოხდა“ მერე გენახათ!

ამათზე მართლა ალალია და უსაყვედურო სისხლზე მოსიარულე საკრებულოს თავმჯდომარე ბეგაშვილი (მერე „ფუკასავით“ რომ გადაამლეს) და ძვლებ-

ში დამტკრევა მერე გენახათ. „დათა თუთაშია“ გამახსენდა.

„რას დაგამსგავსათ მამაძაღლმა და მოსასპობმა თაბაგარმა, თუ ფიქრობთ ამას?“ – თითოეულ იმ მომიტინგე ლიდერს მინდა ვკითხო, რომელთა უმრავლესობასთან ერთადაც ვებრძოდი სააკაშვილსა და მერაბიშვილის ზონდერეუიმს, მაგრამ მათთვის ახლა კითხვების დასმაც ზედმეტია.

26 მაისის „ბართლომეს ღამე“ თუ ვერ განგისხვავებთ წყლის ჭავლით დაშლილი აქციისგან, მართლა „ბარაქალა“ თქვენი უმადურობა კი არა, უნაშუსობა და სახის დაკარგვა ჰქვია თქვენს საქციელს და ესაა მწარე სიმართლე!

თქვენი გამკვირვებია, თორემ უგულავას და ბოკერიას რა უნდა მოვთხოვო, 26 მაისს დახოცილი და ცხრა წლის განმავლობაში დახვრეტილი ახალგაზრდების სისხლი დღემდე არ შეშრობიათ და მეტიც – ამით დღესაც ამაცობენ კიდევ! ერთმნიშვნელოვნად უნდა ვთქვა: სააკაშვილის ზონდერეუიმობა არ არის გამელაურის მინისტრობის ღირსი! არც პოლიციელთა გმირობის ტოლფასი მოთმინების ღირსია ეს სეპარატისტული

„ბრიაშვა“, თორემ ბოკერიას და უგულავას მუქარებს მიტინგებზე კი არ უნდა ვისმენდეთ, ციხის საკნიდან თავს ვერ უნდა ყოფდნენ, წესითა და კანონით!

საკაშვილის და მისი „გებელის კანტორა“ სწორედ მერაბიშვილსა და ახალაიას იმსახურებს ძალოვან მხარედ და მიტინგის დამრბევად!

შემის სროლა მერე გენახათ! არადა, გასათბობად მიტანილი შეშა რა მიზნითაც გამოიყენეს, თვალნათლივ დავინახეთ ყველამ... წყლის ჭავლით დაშლაზე ამბავს ტყვენ და შეშა მერაბიშვილის ზონდერებისთვის რომ მიეტანათ და მითუფრო – ესროლათ, რა შედეგსაც მიიღებდნენ, ძნელი გამოსაცნობი არაა, ვფიქრობ... ციმბირი უკან დარჩებოდათ უბედურებს!

მეგისა ქარდავას გმირობები მერე გენახათ!

წყლის ჭავლი კი არა, ცეცხლის გახსნა გენახათ მერე!

თუმცა, გადაახვიეთ ისტორია რამდენიმე წლით უკან და თუ ბრმები არ ხართ, განსხვავებასაც უნდა დაინახავთ!

მარა, რად გინდა... „ბრმების შკოლა“ და...

P.S. მისტრამისტული ნაცბანდის, მათი ანასხლეტების, გნებათ, თავგასიებულებისა და გნებათ, „გებელის კანტორის“ წევრთა გასაგონად განვმეორდები:

26 მაისი და 7 ნოემბერი აღარ განმეორდება და მეტიც – ხალხმა თქვენ უკვე ისტორიის საწარვეზეც მოგისროლათ!

კანონის დარღვევა დასჯადია! პოლიციელი გმირია!

ირაკლი ლატარია: ლევან ბერძენიშვილს, უახლოეს წარსულში მიუხედავად მხდალს და ლარსს არ ექახდი?

„ახლა რომ ხბოს ალტყინებით შესციცინებ მიშას, უახლოეს წარსულში მხდალსა და ლარსს რომ ეძახდი?“ – ამ სიტყვებით ექსპერტი ირაკლი ლატარია რესპუბლიკური პარტიის ლიდერს ლევან ბერძენიშვილს სოციალურ ქსელში წარსულს ასხენებს.

მისი თქმით, ბერძენიშვილი სწორედ იქ უნდა იდგეს, სადაც ახლა დგას, რადგანაც ის და მისი ადრეც ერთნი იყვნენ და ახლაც ერთნი არიან.

„ბატონ ლევან ბერძენიშვილს მიემართავ, არ დამეზარა და შენი

სიტყვები გავშიფრე თავიდან ბოლომდე. ახლა რომ მიშას ხბოს ალტყინებით შესციცინებ თვლებში, უახლოეს წარსულში ნათქვამი მაინც გაიხსენე, ლატარია, არაკაცსა და მხდალს რომ ეძახდი. ნებისმიერი ღირსეული პრეზიდენტი ტყვიას დაიხლიდა შუბლში 2008 წლის ომის შემდეგო! რა შეიცვალა? შენ შეიცვალე თუ მიშა?

კარგია, სწორია, ახლა სადაც დგახარ, იქ უნდა იდგე. ერთნი ხართ და მაშინაც ერთნი იყავით!

აი, ბერძენიშვილის სიტყვები, გია ბარბერილაძესთან

სტუმრობის დროს რომ წარმოთქვა „სინაპსით“!

„მიხეილ სააკაშვილმა დაიწყო წახდენა საქმის და გამოავლინა თავისი მთავარი საფიქრალი. მთავარი საფიქრალი ამას ჰქვია, რომ მოემზადებინა და წარმატებით მოეგო ომი. ამას თურმე მართლა დავით აღმაშენებლობა უნდოდა, უნდოდა ოსეთის აღება და საქართველოს გათავისუფლება. შეიძლება, ცუდი ფიქრები არ არის, მაგრამ როდესაც მთელი მსოფლიო გეუბნება, რომ კონფლიქტი მშვიდობიანი გზით გადაწყვიტე და ამას ჰგონია,

რომ ასე რომ ეუბნებოდნენ, ფაქტის წინაშე დავყენებ, ავიღებ და მერე რას იტყვიან? გათვლა მისი აღმოჩნდა ზუსტად ისეთი, როგორც ყველა სხვა საქმეში. ჩვენ უკვე გავხდით ისეთი ქვეყანა, სააკაშვილის დროს, რომ შეიძლება შემთხვევითმა ტანკებმა აგვიღონ, თავი მოგვეჭრა. ის იყო მთავარსარდალი, ნებისმიერი ღირსეული მთავარსარდალი ტყვიას დაიხლი-

და იმ წუთას, როდესაც დაიკარგებოდა ახალგორი და კოდორი. ჩვენ ვერ ავირჩიეთ ისეთი კაცი, ვისაც ნაციონალური ღირსება ექნებოდა. ის არის საქართველოს პრეზიდენტი და ღირსების ნატამალი არ აქვს. პირადი თვისებებით ჩვენ წინაშე წარდგა კაცი, რომელმაც შეგვარცხვინა მსოფლიოს წინაშე იმიტომ, რომ თავის დაცვას გაეცა“ – წერს ლევან ბერძენიშვილი.

მათთან სალაპარაკო არაფერი მაქვს, თემა დასურულია, მოაგზადონ არჩევნებისთვის!

– ასე უპასუხა იუსტიციის მინისტრმა თეა წულუკიანიმა ეროვნულ ბიბლიოთეკასთან შეკრებილ ოპოზიციას და აქციის მონაწილეებს. როგორც წულუკიანიმა ბიბლიოთეკაში შესვლისას განაცხადა, მიუხედავად საპროტესტო აქციისა, მას შენობაში შესვლა სამართალდამცველების დახმარებით არ გასჭირვებია.

ქეთევან ქიქნაძე: მტერს არ მოახრჩობ, ის მოგახრჩობს

– ძალიან გათავხედებული არიან, ვინ არის ეს ჩაფხუტიანი, რომ პრეზიდენტი წარდგეს და მას ელაპარაკოს, ეს თავხედი. დემოკრატია არ ნიშნავს უზრდელობას. რასაც მინდა, მაგათი დემოკრატია.

ფულზე გაყიდული ახალგაზრდობა, რა სავალალოა, აი ეს დანერგა სააკაშვილმა. ჩვენ პოლიციური ქვეყანა უნდა გავხდეთ და არა დემოკრატიული. თავზე უნდა გადაგიარონ და შენ კი პასუხი არ უნდა გასცე თურმე.

დემოკრატია პირველ რიგში კანონის უზენაესობა არის, ჩვენ ქვეყანაში კი, პირველ რიგში ხელისუფლება არ იცავს კანონებს და ამით რა უნდა გაიგონ, ვინ ხარ, საიდან ხარ, რა გინდა, იცი? გახრწნილობასაც აქვს საზღვარი, ისე, როგორც თავხედობას. მტერს არ მოახრჩობ, ის მოგახრჩობს, აი, ეს კი ჭეშმარიტებაა. მორჩა, – წერს მსახიობი ქეთევან ქიქნაძე.

სუდანელეებს გააჯობა!!..

სუდანის გარდამავალმა მთავრობამ ყოფილი მმართველი პარტია „ეროვნული კონგრესი“ აკრძალა. გარდამავალი მთავრობის იუსტიციის მინისტრის ნასრედინ აბდელბარის განცხადებით, კანონი „ომარ ალ-ბაშირის რეჟიმის დემონტაჟის შესახებ“ მისი პარტიის ქონებისკონფისკაციასაც ითვალისწინებს.

პრემიერ-მინისტრის აბდალა ჰამდუკის განცხადებით, კანონის მიზანი არა ყოფილი მმართველი გუნდის მიმართ შურისძიება, არამედ სუდანელი ხალხის ღირსების აღდგენაა. სუდანის პროფკავშირების გაერთიანებამ, რომელიც მიმდინარე წლის აპრილში მომხდარი საპროტესტო აქციების ერთ-ერთი კოორდინატორი იყო, ყოფილი მმართველი პარტიის დაშლას „დემოკრატიული სახელმწიფოს შექმნის გზაზე მნიშვნელოვანი ნაბიჯი უწოდა“.

გარდა ამისა, სუდანის ახალმა ხელისუფლებამ გააუქმა ალ-ბაშირის მიერ მიღებული კანონი საზოგადოებრივი წესრიგის შესახებ, რომელიც ქალების უფლებებს ზღუდავდა და მათ შარიათის ნორმების მიხედვით ჩაცმას აიძულებდა. სუდანში პრეზიდენტის ომარ ალ-ბაშირის საინააღმდეგო მასობრივი საპროტესტო აქციები 6-7 აპრილიდან დაიწყო. 11 აპრილს სუდანის არმიამ ქვეყანაში სამხედრო გადატრიალება მოახდინა და 30-წლიანი მმართველობის შემდეგ ალ-ბაშირი დააკავა. მას შემდეგ სუდანს სამხედრო საბჭო მართავდა.

ტერორისტებს დროებით აშკარადაა



კომანდოების სასამართლომ ტერორისტული ორგანიზაცია „ისლამური სახელმწიფოს“ (დაეში) სახელით დროებით შესყიდვისთვის სამი ადამიანი დამნაშავედ ცნო. დრონებს სირიასა და ერაყში იყენებდნენ. სასამართლომ განაცხადა, რომ მსჯავრდებულები, რომელთაგან ორი დანიის მოქალაქეა, დროებითთვის საჭირო სხვადასხვა მოწყობილობებს დანიაში 2013-დან 2017 წლამდე ყიდულობდნენ. მოქალაქეები ტერორიზმის ბრალდებით დააკავეს.

იაპონიის ყოფილი პრემიერი გარდაიცვალა

იაპონიის ყოფილი პრემიერ-მინისტრი იასუჰირო ნაკასონე 101 წლის ასაკში გარდაიცვალა. ნაკასონე იაპონიას 1982-1987 წლებში მართავდა. მას დიდი წვლილი მიუძღვის მსოფლიოს მასშტაბით იაპონიის პოპულარიზაციაში. მას ძალიან ახლო და კარგი ურთიერთობა ჰქონდა ამერიკის შეერთებული შტატების პრეზიდენტთან რონალდ რეიგანთან.

იასუჰირო ნაკასონე 1918 წლის 27 მაისს ქალაქ ტაკასაკიში დაიბადა. ის იმ მოქმედი და ყოფილი მაღალჩინოსნების სიაში იყო, რომლებმაც ყველაზე დიდი ხანი იცოცხლეს.



რამდენი მილიარდით დაგვეხმარა აშშ?

\$4 348 400 000 - აშშ-ის ფინანსური დახმარება საქართველოს 28 წლის ბანკოლოზში

\$4 348 400 000 (ოთხი მილიარდ სამას ორმოცდარვა მილიონ ოთხასი ათასი) – ეს არის ფინანსური დახმარების ოდენობა, რომელიც საქართველომ აშშ-ისგან 28 წლის განმავლობაში მიიღო.

1992-დან 2020 წლის ჩათვლით, დახმარების სახით სხვადასხვა მიზნისთვის გამოყოფილი ფინანსების შესახებ „კონგრესის კვლევითი სამსახურის“ ანგარიშშია საუბარი.

CRS-ის მონაცემებით, ევროპისა და ევრაზიის ქვეყნებს შორის საქართველო ამერიკის შეერთებული შტატების საგარეო და სამხედრო დახმარების მიმღები წამყვანი ქვეყანაა. 1992-2000 წლებში აშშ-ის მთავრობამ საქართველოსთვის ჯამში \$860 მილიონზე მეტი გამოყო. ეს წელიწადში, საშუალოდ, \$96 მილიონია.

დეკადის ბოლო ნაწილში შეერთებულმა შტატებმა საქართველოს ფინანსური დახმარება გაზარდა – საზღვრისა და საზღვაო დაცვის გაუმჯობესებისთვის; ამაში ასევე შევიდა სანაპირო დაცვის გაძლიერება და ტრანსნაციონალური დანაშაულის წინააღმდეგ ბრძოლისთვის საჭირო თანხები.

2000-იან წლებში ევროპისა და ევრაზიაში ერთ სულ მოსახლეზე საქართველო შეერთებული შტატების დახმარების მიმღები ყველაზე მსხვილი ქვეყანა გახდა. 2001-2007 წლების განმავლობაში დახმარების ჯამმა \$945 მილიონს გადააჭარბა. წელიწადში საშუალოდ, \$135 მილიონი. 2005 წელს „ათასწლეულის გამოწვევის კორპორაცია“ საქართველოს \$295 მილიონი ღირებულების გრანტი გამოუყო. ხუთწლიანი გრანტი გზების, მილსადენების, მუნიციპალური ინფრასტრუქტურის რეაბილიტაციისა და აგრობიზნესის განვითარებისთვის

იყო გამოიზნული.

2001 წლის 11 სექტემბრის ტერაქტის შემდეგ, შეერთებულმა შტატებმა საქართველოსთვის სამხედრო მიზნებისთვის განკუთვნილი ფინანსური დახმარება მნიშვნელოვნად გაზარდა. პრეზიდენტ ჯორჯ ბუშის ადმინისტრაციამ, საქართველო, იემენსა და ფილიპინებთან ერთად, ტერორიზმთან ბრძოლის მეორე ეტაპის ნაწილად განიხილა. ამის შემდეგ დაიწყო საქართველოში წვრთნისა და აღჭურვის პროგრამა.

2008 წელს, რუსეთის შეჭრის შემდეგ, შეერთებულმა შტატებმა საქართველოსადმი დახმარება არსებითად გაზარდა. ამერიკის მთავრობამ დაუყოვნებლივ გამოყო \$38 მილიონი ჰუმანიტარული და გადაუდებელი დახმარების მიზნებისთვის. 2008 წლის სექტემბერში მაშინდელმა სახელმწიფო მდივანმა კონდოლიზა რაისმა განაცხადა, რომ საქართველოსთვის საერთო დახმარების პაკეტის ღირებულება მინიმუმ 1 მილიარდი დოლარი იყო.

ჯამში, 2008-2009 ფისკალური წლის განმავლობაში, შეერთებული შტატების დახმარებამ \$1.4 მილიარდს მიაღწია. ამ თანხაში შევიდა \$250 მილიონი პირდაპირი საბიუჯეტო დახმარება და \$100 მილიონი, რომელიც „ათასწლეულის გამოწვევის კორპორაციის“ ფონდს დაემატა. ამით „ათასწლეულის გამოწვევის კორპორაციის“ ხუთწლიანმა გრანტმა \$395 მილიონს მიაღწია.

2008 წლის რუსეთ-საქართველოს ომის შემდეგ, საქართველო კვლავ რჩება შეერთებული შტატების დახმარების ერთ-ერთ ყველაზე მსხვილ მიმღებად. 2010-2017 საბიუჯეტო წლების განმავლობაში, არასამხედრო მიზნებისთვის

ფინანსური დახმარება წლიურად, საშუალოდ, \$60 მილიონი იყო. გარდა ამისა, 2014-2019 წლებში, „ათასწლეულის გამოწვევის კორპორაცია“ საქართველოს 5-წლიანი გრანტი, \$140 მილიონის ოდენობით გამოუყო. გრანტი ძირითადად, საგანმანათლებლო მიზნებისთვის იყო განკუთვნილი.

2018 წელს საქართველომ ამერიკისგან არასამხედრო მიზნებისთვის \$70.8 მილიონი მიიღო.

2019 წელს ამერიკის კონგრესმა არასამხედრო მიზნებისთვის, საქართველოს 489.8 მილიონი გამოუყო.

2020 ფისკალური წლისთვის, ასევე არასამხედრო მიზნებისთვის, პრეზიდენტმა დონალდ ტრამპმა საქართველოსთვის \$42.4 მილიონი მოითხოვა. წარმომადგენელთა პალატის და სენატის საფინანსო კომიტეტმა რეკომენდებულ თანხად \$89.8 მილიონი, გაორმაგებული დახმარება განსაზღვრა.

მარტინო შარაზენიძე,
„ამერიკის ხმა“

საქართველო სურსაბეთისგან 35 მლნ ევროს მიიღოს

ფინანსთა მინისტრმა ივანე მაჭავარიანმა, საქართველოში საფრანგეთის ელჩმა, დიეგო კოლასმა და საფრანგეთის განვითარების სააგენტოს სამხრეთ კავკასიის რეგიონული ოფისის ხელმძღვანელმა, გაელე ასაიაგმა საქართველოსა და საფრანგეთის განვითარების სააგენტოს შორის შეთანხმებას მოაწერეს ხელი.

დოკუმენტის საფუძველზე სოციალური კეთილდღეობის მიმართულებით დაგეგმილი რეფორმების მხარდასაჭერად, საქართველო 35 მილიონი ევროს ოდენობის ფინანსურ რესურსს მიიღებს.

საფრანგეთის განვითარების სააგენტო საქართველოსთან სო-

ციალურ სფეროში სამწლიანი (2018-2020) პროგრამის ფარგლებში თანამშრომლობს, რომელიც მოიცავს შემდეგ მიმართულებებს: სოციალური მხარდაჭერისა და სოლიდარობის სისტემის განვითარება, მათ შორის, შეზღუდული შესაძლებლობის მქონე პირთათვის ადეკვატური მომსახურების განწევა, ხელმისაწვდომი და ხარისხიანი ჯანდაცვის სისტემის უზრუნველყოფა, იძულებით გადაადგილებულ პირთათვის გამოყოფილი რესურსების ოპტიმიზაცია, რომელიც გულისხმობს ავარიული შენობის დახურვას, საჭიროების მქონე ოჯახის შესაბამის საცხოვრებელში განთავსებას და სხვა მნიშვნელოვანი ღონისძიებების განხორციელებას.

კარასინი თბილისში რუსული ენისა და კულტურის ცენტრის გახსნას გეგმავს

რუსეთის ხელისუფლების წარმომადგენელმა, გრიგორი კარასინმა რუსულ მედიასთან განაცხადა, რომ დეკემბერში თბილისში რუსული ენისა და კულტურის ცენტრი გაიხსნება. კარასინის თქმით, ეს რუსეთ-საქართველოს ურთიერთობების განვითარებაში მნიშვნელოვან როლს შეასრულებს.

კარასინმა ეს კომენტარი ჟენევაში ზურაბ აბაშიძესთან შეხვედრის შემდეგ გააკეთა: „ვიმედოვნებთ, კულტურული ხასიათის ღონისძიებები რუსების მონაწილეობით, ინციდენტების გარეშე ჩაივლის“, – განაცხადა კარასინმა.



ბიორბი კაქლიძე: საქართველოს ეროვნულ ბიბლიოთეკაში რუსული კულტურისა და ენის ცენტრი არ გაიხსნება!!!

– ერთხელ ორი თვის და ერთხელაც ზაფხულის დასაწყისში, შემხვდა რუსეთიდან ჩამოსული კულტურული უწყების რამდენიმე წარმომადგენელი და შემომთავაზეს, ეროვნულ ბიბლიოთეკაში გაგვეხსნა რუსული ენისა და კულტურის ცენტრი, რადგან უკვე გვაქვს ასეთი ანგლო-ამერიკული, ფრანგული, გერმანული, იტალიური, ებრაული ცენტრები.

მე უარით გავისტუმრე. თუ ბატონი კარასინი ისევ ეროვნულ ბიბლიოთეკას გულისხმობს, რადგან მსოფლიო პრაქტიკა სწორედ ასეთ სივრცეში ითვალისწინებს კულტურული ცენტრების გახსნას, მაშინ მიიღოს საჯარო უარში იმ ქვეყნის ბიბლიოთეკისგან, რომლის ნაწილიც გუშინ დაიპყრეს და დღეს საუკეთესო შეილება გვტაცებენ. დავძენ, რომ ეთნოკულტურული ფაშისმიდან ძალიან შორს ვართ.

ისეთივე წესების დაცვით ვინახავთ რუსულენოვანი წიგნების დიდ ფონდს, როგორც სხვა დანარჩენს. მე კი ახლა საფრანგეთში ვარ, სადაც სწორედ ამგვარი ქართული ცენტრის გახსნაზე ვმუშაობთ, – განაცხადა გიორგი კეკელიძემ.

„სტრასბურგში ტრამვაის ვაგონებზე დატანილი კიდურ-ყვავილოვანი კალიგრაფიით შესრულებული ქართული წარწერების ავტორს, 19 წლის სტუდენტს ნიკა ლუნაშვილს, რუსთავის მერი-აში სამსახური შესთავაზეს, რაზეც ახალგაზრდა დათანხმდა“ – თქვა რუსთავის მერმა ირაკლი ტაბალაშვილმა 28 ნოემბერს ქვემო ქართლის მხარის ადმინისტრაციაში, სადაც ნიკა ლუნაშვილს გუბერნატორ შოთა რეხვიაშვილთან ერთად შეხვდა.

„გუშინ გავიგეთ, რომ კალიგრაფიის ავტორი ქვემო ქართლიდან, რუსთავიდან ყოფილა. ჩვენ გვაქვს მდიდარი ისტორია, საოცარი სილამაზის დამწერლობა და 19 წლის ახალგაზრდა ასერნებს საქართველოს ასეთ დონეზე პოპულარიზაციას. იმედი მაქვს, მისი შესანიშნავი საქმიანობა ჩვენს მხარეს უფრო პოპულარულს გახდის“, – ბრძანა გუბერნატორმა შოთა რეხვიაშვილმა, რომელმაც მადლობა გადაუხადა შეხვედრაზე მისულ ლუნაშვილის პედაგოგებს.

ევროპის საბჭოს მინისტრთა კომიტეტში საქართველოს თავმჯდომარეობასთან დაკავშირებით სტრასბურგის ქუჩებში ქართული ანბანით გაფორმებული ტრამვაი იმოდრავებს.

რუსთაველი კალიგრაფის ანბანი სტრასბურგში



საქართველოს თავმჯდომარეობის ლოგოთი და ახალგაზრდა ქართველი კალიგრაფის ნიკოლოზ ლუნაშვილის მიერ დახატული ქართული ანბანის ასოებით მორთული ტრამვაის ინაუგურაცია სტრასბურგში „Droits de l'homme“-ის გაჩერებაზე გაიმართა.

ნიკა ლუნაშვილი ტექნიკური უნივერსიტეტის მეორე კურსის სტუდენტი და სამშენებლო ფაკულტეტზე სწავლობს. კალიგრაფიას რუსთავში, კერძო საგანმანათლებლო-კულტურულ ცენტრ „მთანინდელში“ ეუფლებოდა. არის რამდენიმე კონკურსის გამარჯვებული.

„რადიო თავისუფლებასთან“ საუბრისას ნიკა ლუნაშვილმა თქვა, რომ მისთვის მოულოდნელი იყო საგარეო საქმეთა სამინისტროდან პროექტზე მუშაობის შემოთავაზება.

„პროექტზე ერთი თვე ვიმუშავე. სახლში ვხატავდი ფურცლებზე. 33-ვე ასოს ნახატი გადავაგზავნე, კორექტივები არ შეუტანიათ, არც შენიშვნა ჰქონიათ“, – თქვა ნიკა ლუნაშვილმა. – კალიგრაფია მეხმარება იმის გადმოცემაში, რასაც ვგრძნობ და რაც, ჩემი აზრით, აქტუალურია“.

ნიკა ლუნაშვილის თქმით, ნახატები შეასრულა აკრით და ფანქრით. ძირითადად გამოყენებულია წითელი, მწვანე და ლურჯი ფერები.

ნიკა ლუნაშვილი ქმნის კალიგრაფიებსაც. ეს სიტყვისა და გამოსახულების ერთობლიობაა, რომლის შესწავლაც ერთი წლის წინათ დაიწყო. მისი თქმით, სამი ქართული დამწერლობიდან მხედრული იმდენად მოხერხებულია, რომ „საკმაოდ ბევრი და მრავალმხრივი გამოსახულებების შექმნა და ემოციის გადმოცემა შეიძლება“.

მისივე თქმით, სახელოსნოს გაკეთებაზე ფიქრობს, მაგრამ ჯერ ამის შესაძლებლობა არა აქვს. **დავით მჭედლიძე**


საქართველოს რესპუბლიკა
SAKARTVELOS RESPUBLIKA
 ბ. ჩიქობავას (ყოფილი საბჭოს) ქუჩა №42/5
 ტელ: 296-72-86
 მთავარი რედაქტორი
სპარტაკ ძოგულია
 599 36-00-35
 პასუხისმგებელი რედაქტორები:
გურამ გომიაშვილი
 599 53-76-16;
ალექო ასლანიშვილი
 599 56-81-86;
 პასუხისმგებელი მდივანი
მამუკა ვაშაქიძე
 514 33-33-24

ველოსავთ
 ღვანლმოსილ ინჟინერს, უკეთილშობილეს ადამიანს
გიორგი გაგლოვს
 ვულოცავთ 80 წლის იუბილეს, ვუსურვებთ დიდხანს სიცოცხლესა და ბედნიერებას თავის დიდ ოჯახთან ერთად.
მეგობრები

სიყვარულის ანბან ჰქვია...
 იტალიელმა დეპუტატმა ფლავიო დი მურომ შეყვარებულს ხელი პარლამენტის სხდომაზე სთხოვა. დეპუტატები მიწისძვრის შედეგებთან გამკლავების ზომებს განიხილავდნენ, რა დროსაც დეპუტატმა ტრიბუნასთან მისვლა მოითხოვა.
 „ძალიან ხშირად ჩვენ უფულებელეყოფთ ჭეშმარიტ რასეულობებს, ადამიანებს, რომლებიც გვიყვარს და რომლებსაც ვუყვარვართ. ვწუხვარ, რომ პალატის მუშაობა უნდა შევარჩიო, მაგრამ მინდა, გამიგოთ, რომ ჩემთვის მნიშვნელოვანი დღეა. ელიზა, გამოწყვიტე ცოლადა? – ამ სიტყვებით სთხოვა დეპუტატმა შეყვარებულს ცოლობა. ელიზამ თანხმობა განაცხადა, რასაც პარლამენტში აპლოდისმენტები მოჰყვა.
 პარლამენტის სპიკერმა დეპუტატს შენიშვნა მისცა და აღნიშნა, რომ საპარლამენტო ტრიბუნის ამ მიზნით გამოყენება უადგილო იყო.“



„ტკბილი დანიელები“
 „მსოფლიოს არცერთ ქვეყანაში არ მიირთმევენ იმდენ ტკბილეულს, როგორც დანიაში“, – წერს გერმანული გამოცემა Suddeutsche Zeitung-ი. საშუალო სტატისტიკური დანიელი წელიწადში 6.6 კილოგრამ ტკბილეულს მოიხმარს, გერმანიის შემთხვევაში ეს მაჩვენებელი 5.3 კილოგრამია. ეს ერთ-ერთი მიზეზია, რატომაც დანიაში ტკბილეულზე გადასახადი დაანესეს, რის გამოც პროდუქტი თითქმის ორჯერ გაძვირდა, ვიდრე მეზობელ შვედეთში ღირს. შედეგად ქვეყანაში ტკბილეულის კონტრაბანდა დაიწყო.
 ცოტა ხნის წინათ შვედმა და დანიელმა ჟურნალისტებმა გამოაქვეყნეს გამოძიების სერიები, რომელშიც საუბარია კოპენჰაგენში კრიმინალური ქსელების მეშვეობით ათასობით ტონა ტკბილეულის კონტრაბანდით ვაჭრობის შესახებ, რაშიც ფიქტიური კომპანიები და პირები არიან ჩართულები.
 ტაბლოიდური გამოცემა BT-ის ინფორმაციით, კონტრაბანდაში დანიის ფეხბურთის ეროვნული ნაკრების ყოფილი მოთამაშეც კი არის ჩართული. გამოძიების თანახმად, ტკბილეულს ყიდიან სპეციალურ მალაზიებში, სადაც, მაგალითად, 100 გრამი მარმელადი 9 კრონი ღირს, მაშინ, როცა საბაზრო ღირებულებით ერთი კილოგრამი მარმელადი დაახლოებით 75 კრონი ღირს. დამნაშავეები ნამდვილ და ბრენდირებულ ნაწარმს აყალბებენ. ხელისუფლება შიშობს, რომ ტკბილეულის ბიზნესში ორგანიზებული დანაშაულის ნიშნები გაჩნდა, რადგან დიდი მოცემა „ბანდებსა და სხვა კრიმინალურ დაჯგუფებებს იზიდავს“.



„ევროვიზია 2020“-ის ოფიციალური ლოგო ნარკადგინას
 ევროპის მაუწყებელთა კავშირმა წარადგინა ევროვიზიის 65-ე სიმღერის კონკურსის ოფიციალური ლოგო. ევროვიზია 2020 ნიდერლანდების სამეფოში, როტერდამში 12-დან 16 მაისამდე გაიმართება.
 ევროვიზიის სიმღერის კონკურსი (ESC) ერთ-ერთი ყველაზე შთაბეჭედავი ევროპული სატელევიზიო კონკურსია, რომელიც პირდაპირ ეთერში ევროვიზიის სატელევიზიო ქსელის მეშვეობით გადაიციება. გრანდიოზულ სანახაობას ყოველწლიურად, მსოფლიოს მასშტაბით, 200 მლნ-ზე მეტი მაყურებელი ადევნებს თვალს.



მოგვართავთ გახათის მზრუნველთა საბჭოს სახელით
 განათავსეთ რეკლამა ყველაზე საჭირო და სანდო გაზეთში და ამით ხელი შეუწყვეთ 101 წლის ყოველდღიური გამოცემის აღორძინებას.
 გვჯერა, რედაქციის მიმართვას გამოეხმაურებიან ჩვენი ბიზნესმენ-ქველმოქმედნიც და გარკვეულ ფინანსურ დახმარებას გაუწევენ გაზეთს.
 ჩვენი ანგარიშია: №GE19TB7601536020100009.
 (შპს „ახალი საუკუნე“ – გაზეთ „საქართველოს რესპუბლიკის“ გამომცემელი).

გამომცემლობა:
 შპს „ახალი საუკუნე – გაზეთ „საქართველოს რესპუბლიკის“ გამომცემელი“
 599 53-76-16; 599 36-00-35
 შპს „თანადრომა“-ს გაზეთ „საქართველოს რესპუბლიკის“ გამომცემელი“
 ტ: 599 79-76-79
 იბეჭდება გამომცემლობა „ქოლორ პრესში“
 რკინიგზის ჩიხი №20
 uac(უაკ)070.4(479.22) ს-323
 ISSN 2233-3851
 9 772233 385001
ავტორთა საყურადღებოდ!
 რედაქციის მიერ შუამდგომლობის საფუძველზე დაინიშნება ავტორთა ხარჯით.
 ავტორთა მოსაზრებები, შეხატულობა, მუდამ არ ემთხვეოდეს რედაქციის პოზიციას. ფაქტების სიზუსტეზე პასუხს აბეზან ავტორები.

ყურადღება!
 „საქართველოს რესპუბლიკის“ გამოსაწეველ ვიქტორიას: „ელვა.ჯი“
 577 991651
 577 308847
 შპს „მასნე“
 599 982777
 „კლანთა ფორტა“
 579 799908

<p>საქართველოს რესპუბლიკის</p> <p>საგარეო უწყისი:</p> <p>საგარეო უწყისი - 2.9744; პირი - 3.2757; ბრიტანული ბიკანა სტრატეგია - 3.8465; 100 რუბლი - 4.6400; თურქული ლირა - 0.5161; აზერბაიჯანული მანათი - 1.7500; 1000 სომხური დრამი - 6.2422</p>	<p>აქტიური 30 ნოემბრისთვის</p> <p>აქტიური 30 ნოემბრისთვის:</p> <table border="1"> <tr> <td>ბარა -</td> <td>ლაშ</td> <td>+1,</td> <td>ლშ</td> <td>+16</td> </tr> <tr> <td>მთიანი რაიონები -</td> <td>ლაშ</td> <td>-2,</td> <td>ლშ</td> <td>+13</td> </tr> </table> <p>დასაქმებული საგარეო უწყისი:</p> <table border="1"> <tr> <td>ბარა -</td> <td>ლაშ</td> <td>+8,</td> <td>ლშ</td> <td>+17</td> </tr> <tr> <td>მთიანი რაიონები -</td> <td>ლაშ</td> <td>+1,</td> <td>ლშ</td> <td>+14</td> </tr> <tr> <td>თბილისი:</td> <td>ლაშ</td> <td>+3,</td> <td>ლშ</td> <td>+14</td> </tr> </table>	ბარა -	ლაშ	+1,	ლშ	+16	მთიანი რაიონები -	ლაშ	-2,	ლშ	+13	ბარა -	ლაშ	+8,	ლშ	+17	მთიანი რაიონები -	ლაშ	+1,	ლშ	+14	თბილისი:	ლაშ	+3,	ლშ	+14	<p>დაავიკავით, მოგვართავთ:</p> <p>ტელ: 296-72-86, 599-79-76-79, 568-82-09-84 ელ. ფოსტა: sakresp@mail.ru და sakresp@top.ge</p>
	ბარა -	ლაშ	+1,	ლშ	+16																						
მთიანი რაიონები -	ლაშ	-2,	ლშ	+13																							
ბარა -	ლაშ	+8,	ლშ	+17																							
მთიანი რაიონები -	ლაშ	+1,	ლშ	+14																							
თბილისი:	ლაშ	+3,	ლშ	+14																							